

**FRAMKVÆMDARÁKVÖRDUN FRAMKVÆMDASTJÓRNARINNAR
(ESB) 2017/727****2017/EES/67/12****frá 23. mars 2017****um viðurkenningu á Montenegro (Svartfjallalandi) samkvæmt tilskipun Evrópuþingsins og ráðsins 2008/106/EB að því er varðar kerfi fyrir þjálfun og útgáfu skírteina farmanna***(tilkynnt með númeri C(2017) 1815) (*)*

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2008/106/EB frá 19. nóvember 2008 um lágmarksþjálfun sjómanna ⁽¹⁾ einkum 3. mgr. 19. gr.,*og að teknu tilliti til eftirfarandi:*

- 1) Samkvæmt tilskipun 2008/106/EB geta aðildarríkin ákveðið að árita viðeigandi skírteini farmanna sem eru gefin út í þriðju löndum, að því tilskildu að framkvæmdastjórnin viðurkenni viðkomandi þriðja land. Þriðju löndin verða að uppfylla allar kröfur samþykktar Alþjóðasiglingamálastofnunarinnar frá 1978 um menntun og þjálfun, skírteini og vaktstöður sjómanna (STCW-samþykktin), með áorðnum breytingum.
- 2) Grikkland fór fram á það bréflega, 29. mars 2011, að Montenegro yrði viðurkennt. Framkvæmdastjórnin hefur, í kjölfar þessarar beiðni, haft samband við yfirvöld í Montenegro í því skyni að meta kerfi þeirra um menntun, þjálfun og útgáfu skírteina til þess að ganga úr skugga um hvort landið fari að öllum kröfum STCW-samþykktarinnar og hvort viðeigandi ráðstafanir hafi verið gerðar til að koma í veg fyrir svik í tengslum við skírteini. Útskýrt var að matið myndi byggjast á niðurstöðum skoðunar til gagnaöflunar sem sérfræðingar á vegum Siglingaöryggisstofnunar Evrópu eiga að annast (Siglingaöryggisstofnunin).
- 3) Framkvæmdastjórnin hélt síðan áfram að meta kerfi Montegrós um menntun, þjálfun og útgáfu skírteina sem var byggt á niðurstöðum skoðunar sem var gerð í febrúar 2012 og að teknu tilliti til valfrjálsrar áætlunar um aðgerð til úrbóta sem yfirvöld Montenegro lögðu fram í júní 2013.
- 4) Við matið voru tilgreind nokkur atriði sem yfirvöld í Montenegro þurfa að taka tillit til með tilhlýðilegum hætti, þ.m.t. ágallar að því er varðar innlend ákvæði, s.s. skortur á ákvæðum að því er varðar menntun og hæfi leiðbeinenda í tilteknum flokki og ónógar eða ófullnægjandi vottunarkröfur, og einnig að því er varðar verklagsreglur fyrir gæðakerfi og þjálfunaráætlanir. Því var talið nauðsynlegt að Siglingaöryggisstofnunin framkvæmdi viðbótarskoðun sem fór fram í mars 2015.
- 5) Í kjölfar viðbótarskoðunarinnar lögðu yfirvöld í Montenegro fram uppfærða áætlun um aðgerð til úrbóta í nóvember 2015. Í maí 2016 sendi framkvæmdastjórnin yfirvöldum í Montenegro matsskýrslu byggða á niðurstöðum skoðunar í mars 2015 og með hliðsjón af uppfærðri áætlun um aðgerð til úrbóta og óskaði eftir nánari útlitun sem yfirvöld Montenegro lögðu fram í júlí, september og október 2016.
- 6) Á grundvelli allra safnaðra upplýsinga má draga þá ályktun að yfirvöld í Montenegro hafi gripið til ráðstafana þannig að kerfi Montenegro fyrir þjálfun og útgáfu skírteina farmanna verði í samræmi við kröfur STCW-samþykktarinnar, þ.m.t. ákvæði um viðeigandi skrifleg sönnunargögn.
- 7) Montenegro hefur samþykkt nýja löggjöf til að ráða bót á þeim ágöllum sem varða innlend ákvæði, uppfærðar verklagsreglur fyrir gæðakerfi í stjórnslu sinni og sjómannaskólum sínum fyrir farmenn og námsskrám og þjálfunaráætlum sjómannaskóla sinna fyrir farmenn.

(*) Þessi ESB-gerð birtist í Stjtuð. ESB L 107, 25.4.2017, bls. 31. Hennar var getið í ákvörðun sameiginlegu EES-nefndarinnar nr. 146/2017 frá 7. júlí 2017 um breytingu á XIII viðauka (Flutningastarfsemi) við EES-samninginn, biður birtingar.

(1) Stjtuð. ESB L 323, 3.12.2008, bls. 33.

- 8) Lokaniðurstaða matsins sýnir að Montenegro uppfyllir kröfur STCW-samþykktarinnar og á sama tíma hefur landið gert viðeigandi ráðstafanir til að koma í veg fyrir svik í tengslum við skírteini.
- 9) Aðildarríkin fengu skýrslu um niðurstöður matsins.
- 10) Ráðstafanirnar, sem kveðið er á um í þessari ákvörðun, eru í samræmi við álit nefndarinnar um öryggi á höfunum og varnir gegn mengun frá skipum.

SAMÞYKKT ÁKVÖRÐUN ÞESSA:

1. gr.

Montenegro hefur verið viðurkennt, skv. 19. gr. tilskipunar 2008/106/EB, að því er varðar kerfi fyrir þjálfun og útgáfu skírteina farmanna.

2. gr.

Ákvörðun þessari er beint til aðildarríkjanna.

Gjört í Brussel 23. mars 2017.

Fyrir hönd framkvæmdastjórnarinnar,

Violeta BULC

framkvæmdastjóri
